

ქრონიკა. ინფორმაცია:

**სრულიად საქართველოს კათოლიკოს-
პატრიარქ ილია II-ის სამადლოვანი
წერილი**

მინდა, ყველას დიდი მადლობა გადავუხადო, როგორც ინტრონიზაციის, ისე დაბადების დღის მოლოცვისთვის.

რა თქმა უნდა, მაცხოვარი იქნება პირუთენელი მსაჯული იმისა, რა და როგორ გაკეთდა, მაგრამ ერთი კია, ძალისამებრ ჩემისა ყოველთვის მთელი გულით ვემსახურებოდი და ვემსახურები უფალს და სამშობლოს მაძლიერებს თქვენი სულიერი თანადგომა.

ღმერთმა დაგლოცოთ და გაგახაროთ, ღმერთმა გინიამძღვროთ ყოველ კეთილ საქმეში.

თქვენთვის მლოცველი ილია II

**საქართველოს საპატრიარქოს
საგარეო ურთიერთობების განყოფილების
თავმჯდომარის, ზუბედიდისა და
ცაიშის მიტროპოლიტ გერასიმეს წერილი
მოსკოვის საპატრიარქოს საგარეო საეკლესიო
კავშირების განყოფილების თავმჯდომარეს,
ვოლოკოლამსკის მიტროპოლიტ ილარიონს,**

ვლადიკავკაზისა და ალანიის მთავარეპისკოპოს ლეონიდეს

თქვენო მაღალყოვლადუსამღვდელოესობავ!

მოგესალმებით და გილოცავთ ქრისტეშობის დღესასწაულს.

მოგმართავთ შემდეგი მნიშვნელოვანი საკითხის გამო:

ჩვენთვის საინფორმაციო საშუალებებიდან ცნობილი გახდა, რომ 2021 წლის 7 იანვარს, ქრისტეს შობის დღესასწაულზე, ცხინვალის ყოვლადწმიდა სამების სახელობის ტაძარში წირვა აღავლინა რუსეთის ეკლესიის ვლადიკავკაზისა და ალანიის ეპარქიის მღვდელმსახურმა, მღვდელმა სერგი კოკოევმა (<https://sputnik-ossetia.ru.2021.01.07>).

როგორც თქვენთვის ცნობილია, ქ. ცხინვალი არის საქართველოს სამოციქულო მართლმადიდებელი ეკლესიის ცხინვალისა და ნიქოზის ეპარქიის კანონიკური ტერიტორია, რომლის მოქმედი მღვდელმთავარი ბრძანდება **მიტროპოლიტი ისაია (ჭანტურია)**.

რუსეთის მართლმადიდებელი ეკლესია, ისევე როგორც სხვა ადგილობრივი მართლმადიდებელი ეკლესიები, ყოველთვის აღიარებდა და აღიარებს საქართველოს ეკლესიის იურისდიქციას

როგორც აფხაზეთში, ასევე ცხინვალის რეგიონში.

საეკლესიო კანონიკიდან გამომდინარე, მიუღებელია, საქართველოს მართლმადიდებელი ეკლესიის ნებართვის გარეშე და ჩვენთან შეუთანხმებლად სხვა მართლმადიდებელი ეკლესიის სასულიერო პირთა მიერ ჩატარდეს ნებისმიერი რელიგიური მსახურება და მსგავსი გადაცდომები აზიანებს ურთიერთობას ჩვენს ეკლესიებს შორის.

ვიმედოვნებთ, გამოიკვლევთ ზემოთ აღნიშნულ საკითხს, მიიღებთ მკაცრ ზომებს იმ სასულიერო პირთა მიმართ, რომელთაც ეს არაკანონიკური ქმედება ჩაიდინეს და მსგავსი ფაქტი აღარ განმეორდება.

გისურვებთ ჯანმრთელობას, ბედნიერებასა და ღმერთის წყალობას თქვენს მაღალ მსახურებაში.

საქართველოს საპატრიარქოს საგარეო ურთიერთობის განყოფილების თავმჯდომარე, ზუბედიდისა და ცაიშის მიტროპოლიტი გერასიმე (შარაშენიძე)

დაჯილდოება

2021 წლის 27 იანვარს, წმინდა ნინოს ხსენების დღეს, მაზანდარის წმინდა ნინოს სახელობის ტაძარში **ზუბედიდისა და ცაიშის მიტროპოლიტმა გერასიმემ (შარაშენიძე)**, სრულიად საქართველოს კათოლიკოს-პატრიარქ ილია II-ის ლოცვა-კურთხევით, ეკლესიაში ერთგული მსახურებისათვის ოქროს ჯვრის ტარების უფლებით დააჯილდოვა და დეკანოზის ხარისხში აიყვანა წალენჯიხის მაცხოვრის ფერისცვალების სახელობის ტაძრის მღვდელმსახური, **მღვდელი თომა კალანდია**.

აქსიოს! ვულოცავთ დეკანოზ თომას, ღმერთმა ღირსეულად ამსახუროს ღვთის სადიდებლად და ერის საკეთილდღეოდ!

2021 წლის 27 იანვარს, წმინდა ნინოს ხსენების დღეს, მაზანდარის წმინდა ნინო სახელობის ტაძარში **ზუბედიდისა და ცაიშის მიტროპოლიტმა გერასიმემ (შარაშენიძე)**, სრულიად საქართველოს კათოლიკოს-პატრიარქ ილია II-ის ლოცვა-კურთხევით, ეკლესიაში ერთგული მსახურებისათვის ოქროს ჯვრის ტარების უფლებით დააჯილდოვა და დეკანოზის ხარისხში აიყვანა ტაძრის წინამძღვარი, **მღვდელი სერაფიმე ზარქუა**.

აქსიოს! ვულოცავთ დეკანოზ სერაფიმეს,

ღმერთმა ღირსეულად ამსახუროს ღვთის სადი-
დებლად და ერის საკეთილდღეოდ!

2021 წლის 25 იანვარს დარჩელის წმინდა გი-
ორგის სახელობის ტაძარში **ზუგდიდისა და ცაი-
შის მიტროპოლიტმა გერასიმემ (შარაშენიძე)**
სრულიად საქართველოს კათოლიკოს-პატრიარქ
ილია II-ის ლოცვა-კურთხევით, ეკლესიაში ერთ-
გული მსახურებისათვის ოქროს ჯვრის ტარების
უფლებით დააჯილდოვა და დეკანოზის ხარისხში
აიყვანა ტაძრის წინამძღვარი, **მღვდელი კონს-
ტანტინე ხვიჩია**.

აქსიოს! ვულოცავთ დეკანოზ კონსტანტინეს,
ღმერთმა ღირსეულად ამსახუროს ღვთის სადი-
დებლად და ერის საკეთილდღეოდ!

აღკვეცა

2020 წლის 30 დეკემბერს **ზუგდიდისა და ცაი-
შის მიტროპოლიტმა გერასიმემ (შარაშენიძე)**
სქურის მაცხოვრის ფერისცვალების სახელობის
მონასტერში **ბერად აღკვეცა მორჩილი თენგიზი
(კვარაცხელია) და უწოდა საბა**.

ვულოცავთ მამა საბას. დაე, უფალმა ღირსეუ-
ლად ამსახუროს ქრისტეს ჭეშმარიტ გზაზე.

საქართველოს საპატრიარქოს

განცხადება (25.11.2020)

COVID-19-ის მეორე ტალღის აქტიური გავრ-
ცელების გამო სრულიად საქართველოს კათო-
ლიკოს-პატრიარქის კურთხევით მივმართავთ
საქართველოს ეკლესიის მღვდელმთავრებს, წი-
ნამძღვრებს, სასულიერო პირებს: აუცილებელია
ტაძარში ყოფნის დროს მრევლმა დაიცვას დის-
ტანცია და ეკეთოს პირბადე, ხოლო ვინც თავს
შეუძლოდ გრძნობს ან რისკის ჯგუფს განეკუთვ-
ნება, სჯობს თავი შეიკავოს მსახურებებზე დასწ-
რებისგან. ზიარების ან სხვა საჭიროების შემთხ-
ვევაში მათ მოძღვარი სახლში მიაკითხავს. არაფ-
რის შეგეშინდეთ, ილოცეთ და უფალს მიენდეთ:
„უფალმან ძალი ერსა თვისსა მოსცეს, უფალმან
აკურთხოს ერი თვისი მშვიდობით“.

სამძიმარი

სრულიად ბელარუსის საპატრიო ეგზარქო-
სის, მიტროპოლიტ ფილარეტის გარდაცვალე-
ბის გამო

თქვენო უწმინდესობავ!

მწუხარებით მივიღეთ ამბავი სრულიად ბელა-
რუსის საპატრიო ეგზარქოსის, მაღალყოვლადუ-
სამღვდელოეს მიტროპოლიტ ფილარეტის გარ-
დაცვალების შესახებ.

საქართველოს მართლმადიდებელი ეკლესიი-
სა და, პირადად ჩემი სახელით, სამძიმარს ვუცხა-
დებთ რუსეთის მართლმადიდებელი ეკლესიის
სამღვდელო დასსა და სამწყსოს და განსვენებუ-
ლი მღვდელმთავრის სულიერ შვილებს.

მისი გარდაცვალება უდავოდ დიდი დანაკარ-
გია ღვთის ეკლესიისთვის, რომელსაც მან მრავა-
ლი წლის განმავლობაში თავდაუზოგავი მსახუ-
რება მიუძღვნა.

აღვავლენთ ლოცვებს ახლად შესვენებულ
მიტროპოლიტ ფილარეტის სულისათვის.

უფალმა განუსვენოს მას მართალთა სავანეში.
ქრისტესმიერი სიყვარულით,
ილია II, სრულიად საქართველოს კათოლიკოს-
პატრიარქი, მცხეთა-თბილისის მთავარეპისკო-
პოსი და ბიჭვინთისა და ცხუმ-აფხაზეთის მიტ-
როპოლიტი

დიდია გულისტკივილი ჩვენს

ძვეყანასა და მთელ მსოფლიოში

კოვიდ-ინფექციით გარდაცვლილი

თითოეული ადამიანისა და ჩვენი

ეკლესიის სასულიერო პირთა გამო

2020 წლის 20 ნოემბერს ახა-
ლი კორონავირუსით გამოწვე-
ული ინფექციით (COVID-19)
გარდაიცვალა ბორჯომისა და
ბაკურიანის ეპისკოპოსი **ლა-
ზარე (სამადბეგიშვილი)**.

„საპატრიარქოს უწყება-
ნის“ რედაქცია მწუხარებას
გამოთქვამს ეპისკოპოს ლაზა-
რეს გარდაცვალების გამო და
თანავუგრძნობთ განსვენებუ-
ლის ოჯახს, ახლობლებსა და სამწყსოს.


უფალმა საეანესა მართალთასა დაანესოს მისი
უკვდავი სული.

გთხოვთ, ლოცვებში მოიხსენიოთ ახლად შეს-
ვენებული **ეპისკოპოსი ლაზარე**.

2020 წლის 21 ნოემბერს
ახალი კორონავირუსით
გამოწვეული ინფექციით
(COVID-19) გარდაიცვალა
ტყიბულისა და თერჯოლის
ეპარქიის მღვდელმსახური,
გოდოგნის მთავარანგელოზ-
თა სახ. მამათა მონასტრის

წინამძღვარი, **მღვდელ-მონაზონი შიო (სინატაპ-
ვილი)**.

„საპატრიარქოს უწყებანის“ რედაქცია მწუხა-
რებას გამოთქვამს მღვდელ-მონაზონ შიოს გარ-



ნაული მიუღო. მისმა უწმინდესობამ პენიტენციურ დანესებულებებში მყოფთ პასკა, კვერცხი, ტკბილეული, ხატები, სანთლები და სხვა საჩუქრები გაუგზავნა.

სააღდგომო საჩუქრები გადაეცათ ქალთა 5, არასრულწლოვანთა 11 და 8, ქუთაისის 2 დანესებულებებში მყოფ არასრულწლოვნებს, ასევე უვადოდ თავისუფლებადკვეთილ პირებს გლდანის 8 დანესებულებაში.

სრულიად საქართველოს კათოლიკოს- პატრიარქის კურთხევით სამღვდლო ეპარქია საფლავები აკურთხა (03.05.2021)

ქვეყანაში კოვიდპანდემიის გავრცელების შესამცირებლად აღდგომის დღესასწაულზე მოსახლეობის გასვლა საფლავებზე აიკრძალა.

ა.წ. 3 მაისს სრულიად საქართველოს კათოლიკოს-პატრიარქის კურთხევით სამღვდლოებაში მცხეთა-თბილისში არსებული სასაფლაოები აკურთხა. საფლავები იკურთხა ეპარქიებშიც.

საქართველოს თავდაცვის ძალები 30 წლისაა

საქართველოს თავდაცვის ძალების დაარსებიდან 30 წლისთავთან დაკავშირებით სრულიად საქართველოს კათოლიკოს-პატრიარქმა, უწმინდესმა და უნეტარესმა ილია II-მ მიიღო თავდაცვის მინისტრი, ბ-ნი ჯუანშერ ბურჭულაძე, მისი მოადგილე, ბ-ნი დავით სუჯაშვილი და გაერთიანებული შტაბის უფროსის მოადგილე, ბატონი ჯონი ტატუნაშვილი.

მისმა უწმინდესობამ დალოცა სტუმრები, დალოცა ქართული ჯარი, ვეტერანები, სამშობლოსათვის თავდადებული მებრძოლები და ჩვენს ქვეყანას მშვიდობა და ბედნიერი აღდგომა უსურვა.

სრულიად საქართველოს კათოლიკოს- პატრიარქის მილოცვა ნონა გაფრინდაშვილს (03.05.2021)

ქალბატონი ნონა გაფრინდაშვილი ღვთისაგან გამორჩეულად დაჯილდოებული პიროვნებაა. მსოფლიომ ათწლეულების მანძილზე (გასულ საუკუნეში) ქართველი ქალი პირველად მისი სახით გაიცნო და იქცა იგი გონიერების, ძლიერების, პატიოსნების, სიმშვიდის... სიმბოლოდ.

მის ამ თვისებებს ურთულეს პოლიტიკურ სივრცეში ყოფნამაც ვერაფერი დააკლო და ქალბატონი ნონა ბოლომდე ლეგენდად დარჩა.

გულითადად ვულოცავთ მას დაბადების საიუბილეო თარიღს და ვუსურვებთ ჯანმრთელობასა და კეთილდღეობას რათა კვლავაც ღვთისათვის მრავალი საქმე აღასრულოს.

ღმერთმა დალოცოს ქალბატონი ნონა და მისი ოჯახი.

აღკვეცა

2020 წლის 4 დეკემბერს ქოზიფას ღვთისმშობლის ტაძრად მიყვანების სახ. ტაძარში მროველ-ურ-

ბნელმა მიტროპოლიტმა იობმა (აქიაშვილი) მცირე სქემაში აღკვეცა ქარელის სამღვდელმთავრო რეზიდენციასთან არსებული წმ. იობ მრავალწილელის სახ. მამათა მონასტრის მონესენი: მორჩილი გოჩა ნოზაძე, სახელად ეწოდა პეტრე და მორჩილი დავით ნოზაძე, სახელად ეწოდა პავლე.

2020 წლის 18 მარტს მროველ-ურბნელმა მიტროპოლიტმა იობმა (აქიაშვილი) დიდ სქემაში აღკვეცა ბანას წმ. გრიგოლ ხანძთელის სახ. მონასტრის ბერ-დიაკონი ისააკი (ლაზარაშვილი) და სახელად ხარლამში უწოდა.

2021 წლის 20 აპრილს რუისის წმ. კვირიკესა და ივლიტას სახ. მონასტრის მონესე მონოზონი ბარბარე (ხურციძე) მროველ-ურბნელმა მიტროპოლიტმა იობმა (აქიაშვილი) დიდ სქემაში აღკვეცა და სახელად ივლიტა უწოდა.

2021 წლის 22 აპრილს მროველ-ურბნელმა მიტროპოლიტმა იობმა (აქიაშვილი) მცირე სქემაში აღკვეცა ქარელის წმ. ნიკოლოზის სახ. დედათა მონასტრის მონესენი: მორჩილი თეა თვალაძე, სახელად ეწოდა თეკლა და მორჩილი ნინო ჭყოიძე, სახელად ეწოდა ნეონილა.

2021 წლი 18 აპრილს, დიდი მარხვის მეხუთე კვირას, ღირსი დედა მარიამ მეგვიტელის ხსენების დღეს, ქუთათელ-გაენათელ მიტროპოლიტ იოანეს ლოცვა-კურთხევით, მღვდელ-მონაზონმა გიორგიმ (ნებიერიძე) სოფელ დერჩის იოანე ნათლისმცემლის სახელობის მონასტერში მონაზვნებად აღკვეცა სამონაზვნო მორჩილები: თამარ ნატროშვილი, რომელსაც ეწოდა ეფემია, და ნინო კლდიაშვილი, ეწოდა ელისაბედი.

აქსიოს! ვულოცავთ დედებსა და მამებს, დაე, უფალმა ღირსეულად ამსახუროს ისინი ქრისტეს ჭეშმარიტ გზაზე.

ხელდასხმა

2021 წლი 18 აპრილს, დიდი მარხვის მეხუთე კვირას, ღირსი დედა მარიამ მეგვიტელის ხსენების დღეს, ქუთათელ-გაენათელმა მიტროპოლიტმა იოანემ (გამრეკელი) დიაკვნად დაასხა ხელი გელათის სასულიერო აკადემიისა და სემინარიის ძველი აღთქმის პედაგოგს თამაზ ბუხაიძეს და ზოსიმე უწოდა.

2021 წლის 3 იანვარს ქოზიფას ღვთისმშობლის ტაძრად მიყვანების სახ. ტაძარში მროველ-ურბნელმა მიტროპოლიტმა იობმა (აქიაშვილი) დიაკვნად აკურთხა ქარელის სამღვდელმთავრო რეზიდენციასთან არსებული წმ. იობ მრავალწილელის სახ. მამათა მონასტრის მონესე იპოდიაკონი პეტრე (ნოზაძე).

4 იანვარს ქოზიფას ღვთისმშობლის ტაძრად მიყვანების სახ. ტაძარში მროველ-ურბნელმა მიტროპოლიტმა იობმა (აქიაშვილი) დიაკვნად აკურთხა ქარელის სამღვდელმთავრო რეზიდენციასთან არსებული წმ. იობ მრავალწილელის სახ. მამათა მონასტრის მონესე იპოდიაკონი პავლე (ნოზაძე).

8 თებერვალს რუისის წმ. დავით აღმაშენებლის სახ. ტაძარში მროველ-ურბნელმა მიტროპოლიტმა იობმა (აქიაშვილი) დიაკვნად აკურთხა ქარელის სამღვდელმთავრო რეზიდენციასთან არსებული წმ. იობ მრავალწინების სახ. მამათა მონასტრის მონესე იპოდიაკონი პროხორე კორძაია.

28 თებერვალს ქარელის ყოვლადწმინდა სამების სახ. საკათედრო ტაძარში მროველ-ურბნელმა მიტროპოლიტმა იობმა (აქიაშვილი) მღვდლად დაასხა ხელი ბანას წმ. გრიგოლ ხანძთელის სახ. მონასტრის მონესე ბერ-დიაკონ ხარლამპის (ლავარაშვილი).

25 აპრილს ქარელის ყოვლადწმინდა სამების სახ. საკათედრო ტაძარში მროველ-ურბნელმა მიტროპოლიტმა იობმა (აქიაშვილი) მღვდლად დაასხა ხელი ქარელის სამღვდელმთავრო რეზიდენციასთან არსებული წმ. იობ მრავალწინების სახ. მამათა მონასტრის მონესე ბერ-დიაკონ პეტრეს (ნოზაძე).

მღვდელ-მონაზონი პეტრე ქარელის სამღვდელმთავრო რეზიდენციასთან არსებული წმ. იობ მრავალწინების სახ. მამათა მონასტრის წინამძღვრად დაინიშნა.

29 აპრილს რუისის მაცხოვრის ფერისცვალების სახ. საკათედრო ტაძარში მროველ-ურბნელმა მიტროპოლიტმა იობმა (აქიაშვილი) მღვდლად დაასხა ხელი ქარელის სამღვდელმთავრო რეზიდენციასთან არსებული წმ. იობ მრავალწინების სახ. მამათა მონასტრის მონესე ბერ-დიაკონ პავლეს (ნოზაძე).

აქსიოს! ვულოცავთ მამებს! ღმერთმა ღირსეულად ამსახუროს ისინი ღვთის სადიდებლად და ერის საკეთილდღეოდ!

სრულიად საქართველოს კათოლიკოს-პატრიარქის სამძიმარი ისრაელის პრეზიდენტს

მის აღმატებულებას, ისრაელის პრეზიდენტს, ბატონ რეუბენ რივლინს

თქვენო აღმატებულებაზე,

მერონის მთაზე გუშინ მომხდარმა უბედურმა შემთხვევამ საყოველთაო მწუხარება და თანაგრძნობა გამოიწვია.

ჩვენი მხრიდანაც გამოვხატავთ დიდ გულისტკივილს და გთხოვთ, სამძიმარი გადასცეთ დაღუპულთა ოჯახებსა და ახლობლებს, მთელ ებრაელ ხალხს.

დაშავებულებს კი ვუსურვებთ მალე გამოჯანმრთელებას.

პატივისცემით,

ილია II,

სრულიად საქართველოს

კათოლიკოს-პატრიარქი

01.05.2021

სამძიმარი

გაზეთ „საპატრიარქოს უწყებანი“ რედაქცია მწუხარებით იუწყება, რომ ამა წლის 1 აპრილს გარდაიცვალა წმ. ქეთევან წამებულის სახ. დედათა მონასტრის წინამძღვარი, სქემონოზონი ქეთევანი (ნიქარიძე-კეჩუაშვილი) და სამძიმარს უცხადებს განსვენებულის ოჯახს.

მკითხველებს გთხოვთ ლოცვებში მოიხსენიოთ ახლადმესვენებული სქემონაზონი ქეთევანი.

გაზეთ „საპატრიარქოს უწყებანი“ რედაქცია მწუხარებით იუწყება, რომ ამა წლის 13 აპრილს გარდაიცვალა ყინწვისის წმ. ნიკოლოზის სახ. მამათა მონასტრის მონესე, სქემონოზონი ბარსანოფი (როსტიაშვილი).

მკითხველებს გთხოვთ ლოცვებში მოიხსენიოთ ახლადმესვენებული სქემონაზონი ბარსანოფი.

ღრმა მწუხარებას გამოვთქვამთ მიტროპოლიტ ზოსიმეს დის - მარინე შიოშვილის გარდაცვალების გამო. ვუსამძიმრებთ მის ყოვლადუსამღვდელოესობას და განსვენებულის ოჯახს.

მკითხველებს ვთხოვთ, ლოცვებში მოიხსენიონ ახლადმესვენებული მარინე.

კინოსა და თეატრის გამორჩეული მსახიობი კახი კავსაძე 27 აპრილს, 85 წლის ასაკში გარდაიცვალა (5 ივნისი, 1935 — 27 აპრილი, 2021). 1 მაისს, ის რუსთაველის თეატრიდან გაასვენეს და თავისი მეუღლის, ცნობილი მსახიობის, ბელა მირიანაშვილის გვერდით საბურთალოს სასაფლაოზე დაკრძალეს.

სრულიად საქართველოს კათოლიკოს-პატრიარქის სამძიმარი კახი კავსაძის გარდაცვალების გამო (30.04.2021)

წავიდა ჩვენგან ბატონი კახი კავსაძე, - თანამედროვე ქართული ხელოვნების მშენებელი, კავსაძეთა ცნობილი გვარის ერთ-ერთი უცნობილესი წარმომადგენელი, სიყვარულისა და ერთგულების მაგალითი, ადამიანურ მრავალ ფასეულობათა მომცველი საოცარი პიროვნება.

რამდენიმე წლის წინ იგი მძიმე სენით დაავადდა, რაც მორწმუნედ ჩამოყალიბების წინაპირობად ექცა, რადგან ღვთის სასწაულის საკუთარ თავზე განმცდელი გახდა და მისი მადლით განკურნებული, უფლის რწმენის მქადაგებლად იქცა.

ღმერთმა დალოცოს და ნათელში ამყოფოს ბატონი კახის უკვდავი სული და სავანესა მართალთასა დაანესოს, ხოლო მის ახლობლებსა და ყველა გულშემატკივარს მონიჭოს მშვიდობა და სულიერი შენევა.

საპატრიარქო ტახტის მოსაყდრემ, სენაკისა და ჩხორონყუს მიტროპოლიტმა შიომ (მუჯირი) ახლად შესვენებულ კახის სულის საოხად პანაშვიდი გადაიხადა და კავსაძის ოჯახის წევრებსა და შეკრებილ საზოგადოებას კათოლიკოს-პატრიარქის სამძიმრის წერილი გააცნო.

დასასრულს მიტროპოლიტმა შიომ კახი კავსაძის ცხედართან გამოსათხოვარი სიტყვა წარმოთქვა:

თაობაზე: მზაობა ყოველთვის იყო, მაგრამ ითხოვდნენ, რომ სინმინდის დაცვისა და მოვლა-პატრონობისათვის სათანადო პირობები შექმნილიყო.

ანჩისხატის დაბრუნების საინიციატივო ჯგუფმა (ხელმძღვანელი: ბატონი ზაზა ნანობაშვილი) ამ მხრივ დიდი სამუშაოები ჩაატარა, რის შედეგადაც გერმანული კომპანიის მიერ მაღალი ტექნოლოგიებით დამზადდა და ანჩისხატის ტაძარში დამონტაჟდა ხატის ჩასაბრძანებელი კიოტი, ჩატარდა სხვა სამუშაოებიც.

მოგმართავთ თხოვნით, გაითვალისწინოთ ჩვენი ხალხისათვის ამ უდიდესი სინმინდის საეკლესიო სივრცეში ყოფნის და მის წინაშე მუდმივი ღოცვის მნიშვნელობა და გადმოსცეთ იგი საქართველოს მართლმადიდებელ ეკლესიას ანჩისხატის ტაძარში დასაბრძანებლად.

ვიმედოვნებთ, მის დაცვას ერთობლივად უზრუნველყოფთ, რაც სახელმწიფოსა და ეკლესიის ურთიერთთანამშრომლობის ერთ-ერთ მაგალითად შეიძლება იქცეს.

საგულისხმოა ის ფაქტიც, რომ წელს აღვნიშნავთ ამ ტაძრის აგებიდან 1500 წლისთავს და თქვენ მიერ გაცემული ნებართვა ხატის ეკლესიაში განთავსებაზე იქნება საიუბილეო თარიღთან დაკავშირებული უდიდესი საჩუქარი.

ღმერთმა დაგლოცოთ და გაგახაროთ.

**ილია II, სრულიად საქართველოს
კათოლიკოს-პატრიარქი**
#97, 02.08.2021

დაჯილდოება

2021 წლის 17 ოქტომბერს, ყოვლადწმინდა სამების სახელობის საპატრიარქო ტაძარში საპატრიარქო ტახტის მოსაყდრემ, სენაკისა და ჩხოროწყუს მიტროპოლიტმა შიომ (მუჯირი), სრულიად საქართველოს კათოლიკოს-პატრიარქ ილია II-ის ღოცვა-კურთხევით, გამშვენებული ჯვრითა და მიტრის ტარების უფლებით დააჯილდოვა დეკანოზი კონსტანტინე გიორგაძე.

ამავე დროს, მამა კონსტანტინე დადგენილია სანქტ-პეტერბურგის შესტაკოვის ღვთისმშობლის ხატის სახელობის ქართული ტაძრის წინამძღვრად.

„ჩვენ დღეს ვაჯილდოებთ დეკანოზ კონსტანტინე გიორგაძეს გამშვენებული ჯვრითა და მიტრით! იგი მიემგზავრება პეტერბურგში ჩვენს ქართულ სამრევლოში სამოღვაწეოდ. ამასთან და ასევე მის მსახურებასთან დაკავშირებით, მისი უწმიდესობისა და უნეტარესობის, სრულიად საქართველოს კათოლიკოს პატრიარქ ილია II-ის ბრძანებულებით, იგი ჯილდოვდება გამშვენებული ჯვრითა და მიტრით. გილოცავთ, აქსიოს!“ —

ბრძანა მიტროპოლიტმა შიომ მამა კონსტანტინეს დაჯილდოებისას.

აქსიოს! ვულოცავთ დეკანოზ კონსტანტინეს, ღმერთმა ღირსეულად ამსახუროს ღვთის საღიბებლად და ერის საკეთილდღეოდ!

იუბილე

ფილოლოგიურ მეცნიერებათა დოქტორს, ჟურნალ „ქართველოლოგიის“ რედაქტორს **ქ-ნ ნელი მახარაძეს** დაბადებიდან 85 და სამეცნიერო მოღვაწეობიდან 60 წელი შეუსრულდა. ქალბატონი ნელი არის ავტორი წიგნებისა, რედაქტორი, რეცენზენტი, იკვლევს, წერს, ხელმძღვანელობს კონფერენციებს, ფილოლოგიურ საზოგადოებაში სარგებლობს მაღალი რეპუტაციით, და რაც მთავარია, მამულ-დედულზე და საქმეზე უსაზღვროდ შეყვარებული ქართველია.

„საპატრიარქოს უწყებანი“ ულოცავს ქ-ნ ნელის გამორჩეულ საიუბილეო თარიღს და უსურვებს ღვთის შემწეობით კვლავ მხნე მაგალითად ეგულებოდეს მომავალ თაობას.

„ჩემო მამაო, მე-უღლევ და მეგობარო, სხვაგვარად ვერ გინოდებ ადამიანს, რომელთან ერთად 35 წელი ტკბილად და ბედნიერად გავიარე, ეს ჰაერში ნათქვამი სიტყვები არაა, არა მარტო ბედნიერად, არამედ სიხარულით. დიახ, შენ ხარ

ადამიანი, რომელიც ახარებ და აბედნიერებ შენ გვერდით მყოფთ. აი, უკვე 60 წლის გახდი. წარმოუდგენელია, რა უცბად გაიღვა ამდენმა წელმა, ჩვენ 13 შვილის მშობელი ვართ, 5 მათგანი დაოჯახდა და უკვე მე-15 შვილიშვილს ველოდებით. რამდენი სიხარული და განსაცდელი გამოვიარეთ. ყველაფერი მახსენდება, პირველად სვეტიცხოველში რომ გნახე, დაჩოქილები სეფისკვერის ნამცეცხვებს ვკრეფდით იატაკიდან. ჩვენი ჯვრისწერა, 13 მშობიარობა. მახსენდება, როგორ მეხმარებო-



დი ბავშვების გაზრდაში, როგორ მაძინებდი ღამე და შენ უთენებდი პატარებს, ყოველთვის მიმსუბუქებდი სიძნელეებს... ჩემი ცხოვრება ორ ეტაპად იყოფა მამა ალექსანდრემდე და მამა ალექსანდრეს შემდეგ (მრევლიც იგივე აზრს აფიქსირებს). როგორ გიხაროდა ყოველი ჩემი ფეხმძიმობა, ერთი ინტერესი გვქონდა „ნეტავი ეს როგორი იქნებაო“. არასოდეს დაგიკარგავს იუმორის გრძნობა, ალბათ, ამ თვისების გამო გიმსუბუქდებოდა ოჯახთან და მრევლთან ურთიერთობა.

„მდულარე რწმენით, ვულკანივით აფეთქებული/ დგას ამბიონზე!/ მიცვავართ სადღაც, გამჭირვალე ნატიფი გზებით/ ქერუბიმებთან, მრავალფეროვანი სერაბიმებთან./ დაგვიმეგობრა მოციქულები, მახარებლები...“

მიუხედავად ამხელა ჯაფისა ყოველთვის ახერხებდი, რომ წიგნები გეკითხა, მოძღვრის მოვალეობა პირნათლად შეგესრულებინა. ძალიან დიდ დროს უძღვნი ქადაგებების მომზადებას, თითქმის ღამეებს ათენებ ხოლმე, რომ მრევლს მიაწოდო ჭეშმარიტება და დააყენო სწორ გზაზე...

ჩემო მამაო, მეუღლე და მეგობარო, ამდენი წლის განმავლობაში შენ გვერდით სხვანაირად ღამაზდება მზის ამოსვლაც და ჩასვლაც, შენ ბუნების მოყვარული, სიყვარულით სავსე, თბილისელი მოძღვარი ხარ. იცი როგორი?! - მაცხოვარი რომ მიუთითებს პატარა ბავშვზე: ასეთები შევლენ სასუფეველშიო, ჩემთვის ის სუფთა ყრმა ხარ, რომელიც უფალს ძალიან უყვარს!

გილოცავ 60 წლის იუბილეს, მრავალჟამიერ!

**მუდამ შენზე შეყვარებული
ფოფოღია - ნინო ბჟვანელი.**
02.09.2021 წ.

„საპატრიარქოს უწყებანი“ უერთდება ქ-ნი ნინოს შესანიშნავ მილოცვას და დეკანოზ ალექსანდრე ბოლქვაძეს ხანგრძლივ, ნაყოფიერ მოღვაწეობას უსურვებს ღვთისა და მოყვასის თავდადებულ მსახურებაში.

განცხადება


წმინდა სტეფანე აღმსარებლის სახელობის კულტურულ-საგანმანათლებლო სახლ „კენოზისში“ ორშაბათიდან შაბათის ჩათვლით, 10:00-18:00 სთ. ფუნციონირებს საქველმოქმედო ფსიქოლოგიური კაბინეტი.

მისამართი: დიმიტრი უზნაძის 47, წმინდა მთავარანგელოზ მიქაელის სახელობის ტაძრის ეზო, II სართული.

მსურველთა წინასწარი ჩანერა შესაძლებელია „ფსიქოლოგიისა და ფსიქოთერაპიის ეროვნული გეშტალტ ცენტრის“ ტელეფონზე: 0322920336 (სამუშაო დღეებში).

კათოლიკოს-პატრიარქი სამიძიარი თამაზ კვაჭანტირაძის გარდაცვალების გამო

**ბატონი თამაზ კვაჭანტირაძის ოჯახის
წევრებსა და ახლობ-
ლებს!**



ბატონი თამაზ კვაჭანტირაძე იყო ქართული ენისა და ლიტერატურის უბადლო მასწავლებელი სრულიად საქართველოსი. თითქმის ორი ათეული წლის განმავლობაში მის ტელეექციებს ჩვენი საზოგადოება უდიდესი ინტერესით უსმენდა და ცოდნას იღრმავებდა. საერთო-სახალხო მონაფეობის ეს პერიოდი დღესაც მრავალთათვის ტკბილად მოსაგონარია.

გამორჩეულია ბატონი თამაზის განეული ღვაწლი ჟურნალ „ბალავარის“ გამოცემისა და თბილისის სახელმწიფო უნივერსიტეტში მომავალი თაობების აღზრდისთვის.

აღვაწლენთ ღოცვებს მისი უკვდავი სული-სათვის, რათა უფალმან სავანესა მართალთასა დააწესოს იგი, ხოლო თქვენ მოგმადლოთ მშვიდობა და ღოცვის ძალა მარადიულ გზაზე ბატონი თამაზის შენევისათვის.

**ილია II, სრულიად საქართველოს
კათოლიკოს-პატრიარქი**
17.08.21

სრულიად საქართველოს კათოლიკოს- პატრიარქის სამიძიარი (10.10.2021)

დიდია მწუხარება, რომელიც ახლახან ბათუმში მომხდარ ტრაგედიას მოჰყვა.

გულითადად ვუსამძიმრებთ გარდაცვლილთა ოჯახის წევრებსა და ახლობლებს, დაზარალებულთ, ვუსამძიმრებთ მთელ საქართველოს. დღეს ყველა ამ ტკივილის თანაზიარია და შეძრულია მომხდარით.

ვლოცულობთ გარდაცვლილთათვის. მათი სულების საოხად არაერთი პანაშვიდი იქნა გადახდილი. კვირას, წირვის შემდეგაც, აღველინება ღოცვა, მათ შორის, სამების საკათედრო ტაძარში.

შევთხოვ ღმერთს, მოგვცეს გამძლეობა, მოგვანიჭოს თვისი ნყალობა და მშვიდობით აკურთხოს ჩვენი ქვეყანა და ჩვენი ხალხი.

**ილია II, სრულიად საქართველოს
კათოლიკოს-პატრიარქი**

ვთქვათ ტროპარი წმინდა გიორგისა: „ტყვე-
თა განმათავისუფლებელი და გლახაკთა ხელის
აღმპყრობელი, სწეულთა მკურნალი და მეფეთა
უძლეველი წინამძღოლო, ღვანლით შემოსი-
ლო დიდო მონამეო გიორგი, ევედრე ქრისტესა

ღმერთსა შეწყალებად სულთა ჩუენთათვის.“

წმინდა გიორგი იყოს თქვენი მფარველი!
წმინდა გიორგიმ დაიცვას თქვენი ოჯახები,
თქვენი შვილები, სრულიად საქართველო!

ჩვენთან არს ღმერთი!

ქრონიკა. ინფორმაცია.

საქართველოს საპატრიარქოს

განცხადება 28.11.2021

საზოგადოებას კიდევ ერთხელ შევახსენებთ კო-
რონავირუსის აცრასთან დაკავშირებით საქართვე-
ლოს მართლმადიდებელი ეკლესიის ოფიციალურ
პოზიციას, რომელიც სინოდის დადგენილებაშია
ასახული. მიუხედავად იმისა, რომ რამდენჯერმე
მოხდა მისი განმარტება, უკანასკნელ პერიოდში
ზოგიერთი სასულიერო პირის მხრიდან დაფიქსი-
რებული რადიკალური პოზიციის გამო, კვლავ გავი-
მეორებთ, რომ **აცრას არა აქვს რელიგიური დატ-
ვირთვა**. და ამდენად, დაუშვებელია, სასულიერო
პირმა რელიგიური მოტივით მორწმუნეებს აუკრძა-
ლოს ამ პროცედურის ჩატარება ან შეუზღუდოს ზი-
არება იმის გამო, რომ ისინი აიცრნენ. მკურნალო-
ბის ამ მეთოდთან მიმართებაში ქრისტიანისათვის,
რა თქმა უნდა, სრულიად მიუღებელია უხეში და შე-
ურაცხმყოფელი მიმართვების გავრცელება.

წმინდა სინოდის განჩინება ასევე ეწინააღმდე-
გება მოძღვრის მიერ მრევლისთვის მსახურებაზე
პირბადის ტარების აკრძალვას.

შევნიშნავთ იმასაც, რომ ეკლესია მხარს ვერ
დაუჭერს იძულებით ვაქცინირებას, რა მოტივი-
თაც არ უნდა იყოს იგი ნაკარნახევი. ყველას უნდა
ჰქონდეს თავისუფალი არჩევანის გაკეთების შე-
საძლებლობა. ეს ღვთისგან მონიჭებული ხელშე-
უხებელი უფლებაა და მისი დაცვა აუცილებელია.

კიდევ ერთხელ მივმართავთ სასულიერო პი-
რებს, რომ მათი ქმედებები ვაქცინაციასთან და-
კავშირებით არ გასცდეს სინოდის განჩინებას.
თვითნებობის შემთხვევაში კი მრევლს შეუძლია
მომართოს საქართველოს საპატრიარქოს.

სრულიად საქართველოს კათოლიკოს- პატრიარქი ეუთოს საგანგებო

წარმომადგენელს სამხრეთ

კავკასიაში ანიკა სოდერს შეხვდა

ამა წლის 17 ნოემბერს სრულიად საქართველოს
კათოლიკოს-პატრიარქმა მღვდელმთავრებთან
და სამღვდელოებასთან ერთად ეუთოს საგანგებო
წარმომადგენელი სამხრეთ კავკასიაში, ქალბატონი
ანიკა სოდერი და დელეგაციის სხვა წევრები მიიღო.

შეხვედრაზე საუბარი შეეხო ოკუპირებულ რე-
გიონებში არსებულ ვითარებას.

აღინიშნა, რომ პრობლემების მოსაგვარებლად
აუცილებელია მშვიდობიანი და ქმედითი ნაბიჯე-
ბის გადადგმა.

დელეგაციის ხელმძღვანელმა სრულიად საქარ-
თველოს კათოლიკოს-პატრიარქს მიღებისთვის
მადლობა გადაუხადა და აღნიშნა მისი უწმინდე-
სობის ძალისხმევის მნიშვნელობა ზაზა გახელაძის
გათავისუფლებაში.

მისმა უწმინდესობამ მადლობა გადაუხადა
ეუთოს საგანგებო წარმომადგენელს სამხრეთ
კავკასიაში, ქალბატონ ანიკა სოდერს და საერ-
თაშორისო ორგანიზაციებს, რომლებიც სადამკ-
ვირებლო და ჰუმანიტარულ მისიებს ასრულებენ
კონფლიქტის ზონაში, წარმატებული მოღვაწეო-
ბა უსურვა მათ და კონფლიქტების მშვიდობიანად
მოგვარების იმედი გამოთქვა.

ტაძრის კურთხევა

2021 წლის 27 ნოემბერს, სრულიად საქართვე-
ლოს კათოლიკოს-პატრიარქ ილია II-ის ლოცვა-
კურთხევით, ზუგდიდისა და ცაიშის მიტროპოლიტ-
მა გერასიმემ (შარაშენიძე) **აკურთხა მახარის**



წმინდა თამარ მეფის სახელობის მონასტრის
წმინდა მენელსაცხებლე დედათა სახელობის
ტაძარი.

დაჯილდოება

2021 წლის 13 ნოემბერს, სრულიად საქარ-
თველოს კათოლიკოს-პატრიარქ ილია II-ს ლოც-
ვა-კურთხევით, ზუგდიდისა და ცაიშის მიტროპო-
ლიტმა გერასიმემ (შარაშენიძე) ეკლესიაში ერთ-
გული მსახურებისათვის ოქროს ჯვრის ტარების
უფლებით დააჯილდოვა და დეკანოზის ხარისხში

აიყვანა წმინდა მოციქულთა თავთა პეტრესა და პავლეს სახელობის ტაძრის წინამძღვარი, მღვდელი იოანე აკობია.

აქსიოს! ვულოცავთ დეკანოზ იოანეს, ღმერთმა ღირსეულად ამსახუროს ღვთის სადიდებლად და ერის საკეთილდღეოდ!



არასრულწლოვან და ქალ მსჯავრდებულებს გიორგობის დღესასწაული მიულოცეს

სრულიად საქართველოს კათოლიკოს-პატრიარქ ილია II-ის ლოცვა-კურთხევით, დეკანოზმა დავით თავაძემ და სპეციალური პენიტენციური სამსახურის წარმომადგენლებმა N11 არასრულწლოვანთა სარეაბილიტაციო დაწესებულების არასრულწლოვან მსჯავრდებულებს გიორგობის დღესასწაული მიულოცეს და საჩუქრები გადასცეს.

N11 დაწესებულებაში არასრულწლოვან მსჯავრდებულებთან შეხვედრისას საუბარი გაიმართა მათთვის საინტერესო და მნიშვნელოვან საკითხებზე.

გიორგობის დღესასწაულთან დაკავშირებით, მამა დავითმა მათ უწმინდესისა და უნეტარესის მილოცვა გადასცა. მსჯავრდებულებს სხვადასხვა საჩუქარი და ნუგბარი დაურიგდათ, ასევე დასაჩუქრდნენ N8 პენიტენციურ დაწესებულებაში მყოფი არასრულწლოვანი ბრალდებულები და N5 პენიტენციურ დაწესებულებაში მყოფი ქალი მსჯავრდებულები.

სრულიად საქართველოს კათოლიკოს- პატრიარქის სამიძიარი არქიმანდრიტ მიქაელის (მიგინეიშვილი) გარდაცვალების გამო

დიდია ჩვენი გულისტკივილი არქიმანდრიტ მიქაელის გარდაცვალების გამო. იგი იყო საქართველოს ეკლესიის გამორჩეული მოძღვარი და ღვთის საყვარელი შვილი.

ღმერთმა აცხოვროს მისი უკვდავი სული და სავანესა მართალთასა განუსვენოს, ხოლო არქიმანდრიტ მიქაელის მრევლსა და ახლობლებს მოანიჭოს მშვიდობა, შინაგანი მხნეობა და ლოცვის ძალა.

**ილია II,
სრულიად საქართველოს
კათოლიკოს-პატრიარქი**
26.11.2021

60 წლის ასაკში გარდაიცვალა შემოქმედის ეპარქიის მღვდელმსახური, ჯუმათის მთავარან-

გელოზთა სახელობის მამათა მონასტრის წინამძღვარი, არქიმანდრიტი მიქაელი (მიგინეიშვილი).

მამა მიქაელი თავისი სასულიერო მოღვაწეობის პერიოდში საქართველოს სხვადასხვა ეკლესია-მონასტერში მსახურობდა, ბოლო 24 წლის განმავლობაში იგი ჯუმათის მამათა მონასტრის წინამძღვარი იყო.

არქიმანდრიტ მიქაელი დაკრძალეს 2021 წლის 23 ნოემბერს ჯუმათის მამათა მონასტერში.

მწუხარებას გამოვთქვამთ არქიმანდრიტ მიქაელის გარდაცვალების გამო და თანავუგრძნობთ განსვენებულის ოჯახს, ახლობლებს, მონასტრის წევრებსა და სამწყსოსს.

უფალმა სავანესა მართალთასა დაანესოს მისი უკვდავი სული.

გთხოვთ, ლოცვებში მოიხსენიოთ ახლად შესვენებული არქიმანდრიტი მიქაელი.

სრულიად საქართველოს კათოლიკოს- პატრიარქის სამიძიარი დეკანოზ რევაზ ტომარაძის გარდაცვალების გამო

წავიდა ჩვენგან არჩისხატის ტაძრის წინამძღვარი, საეკლესიო კითხვის ძველი წესის საუკეთესო მცოდნე, ძველი თაობის გამორჩეული მოძღვარი, დეკანოზი რევაზ ტომარაძე.

ღმერთმა განუსვენოს მის უკვდავ სულს მართალთა სავანეში, ხოლო მისი ოჯახის წევრებსა და მრევლს მომადლოს ლოცვის ძალა და მშვიდობა.

**ილია II,
სრულიად საქართველოს
კათოლიკოს-პატრიარქი**
21.11.2021

2021 წლის 19 ნოემბერს, გარდაიცვალა საქართველოს მართლმადიდებელი ეკლესიის ერთ-ერთი გამორჩეული და ღვაწლმოსილი მღვდელმსახური, დეკანოზი რევაზ ტომარაძე.

„ჩვენი ეკლესიის ერთ-ერთი უძველესი მსახური, მრევლისთვის თავდადებული, ყველასათვის საყვარელი მოძღვარი“, — ამ თბილი სიტყვებით შეაფასა დეკანოზ რევაზის მრავალწლიანი მოღვაწეობა სრულიად საქართველოს კათოლიკოს-პატრიარქმა ილია II-მ გასულ წელს, მისი 90 წლის იუბილეზე.

მამა რევაზის სასულიერო მოღვაწეობა გასული საუკუნის 80-იანი წლებიდან დაიწყო — 1980 წლის 28 აგვისტოს სიონის ღვთისმშობლის მი-

**ჟურნალისტების შეკითხვების
პასუხად სინოდური კომისიის დღეს
გამოქვეყნებულ დასკვნასთან
დაკავშირებით**
10.12.2021

სინოდური კომისიის დღეს გამოქვეყნებული დასკვნა მიღებულია რამდენიმე თვის წინ. აქამდე არ გამოქვეყნებულა, რადგან რჩებოდა იმედი, რომ დეკანოზ ილია ჭილაძის კომენტარები კორექტულ ფარგლებს დაუბრუნდებოდა. უკეთეს შემთხვევაში, შესაძლოა, არც გამოქვეყნებულიყო, თუმცა ამ ხნის განმავლობაში მისი გამონათქვამები კიდევ უფრო გამძაფრდა და მეტი შეკითხვა გააჩინა მორწმუნე საზოგადოებაში, თუ რატომ არ ხდებოდა მისი საკითხის განხილვა.

სწორედ ამ გარემოებებიდან გამომდინარე, საჭირო გახდა, გამოგვექვეყნებინა სინოდური კომისიის გადანყვეტილება.

საპატრიარქოს განცხადება
11.12.2021

რამდენიმე დღის წინ სოციალურ ქსელში გავრცელდა ფოტო. მასზე ასახული იყო ერთანმინდის ტაძარი, რომელიც სასულიერო პირებმა თითქოს განგებ დაახიანეს, ღუმელი დადგეს და მილი სარკმლიდან გაიყვანეს.

საზოგადოებას განვუმარტავთ, რომ აღნიშნული ფაქტი სიმართლეს არ შეესაბამება. ფოტომასალა ძველია. ფოტო გადაღებულია ტაძრის რესტავრაციამდე. აქვე დავძენთ, რომ ერთანმინდის ტაძარს დაახლოებით ათ წელზე მეტია, სრულფასოვანი რესტავრაცია ჩაუტარდა და მას შემდეგ არავითარი მსგავსი ფაქტი არ დაფიქსირებულა.

სამწუხაროდ, არ არის პირველი შემთხვევა, როდესაც ეკლესიის დისკრედიტაციის მიზნით, საზოგადოებაში მსგავსი ცრუ ბრალდება და ცილისმწამებლური განცხადებები ვრცელდება.



თვალსაჩინოებისთვის გთავაზობთ ფოტომასალას. პირველ ორზე ასახულია სოციალურ ქსელში გავრცელებული ერთანმინდის ტაძრის ძველი, რესტავრაციამდე მდგომარეობა, დანარჩენზე კი — ტაძრის ამჟამინდელი რეალური იერსახე.

ტაძრის კურთხევა

2021 წლის 13 დეკემბერს, წმინდა მოციქულ ანდრია პირველწოდებულისა და წმინდა მეფე ვახტანგ გორგასალის ხსენების დღეს, მისმა მალაღყოვლადუსამღვდელოესობამ, ქუთათელ-გაენათელმა მიტროპოლიტმა იოანემ (გამრეკელი) ქუთაისში წმინდა მეფე ვახტანგ გორგასალის სახელობის ტაძარი აკურთხა.

ხელდასხმა

5 დეკემბერს თიანეთის მუნიციპალიტეტის, სოფ. ახალსოფლის მიქაელ მთავარანგელოზის სახ. ტაძარში თიანეთისა და ფშავ-ხევსურეთის ეპისკოპოსმა მიქაელმა (გაბრიჭიძე) მღვდლად დაასხა ხელი იმავე ეპარქიის დიაკონ გიორგი მაჩუროშვილს, ხოლო დიაკვნად აკურთხა — ბერი ლოტი (დოლაკიძე).



ვულოცავთ „საპატრიარქოს უწყებანის“ სარედაქციო კოლეგიის წევრს მამა გიორგის, ასევე მამა ლოტს მინიჭებულ სამღვდელო ხარისხებს, უფალმა გააძლიეროს ერისა და ეკლესიის სამსახურში.

აღკვეცა

საპატრიარქო ტახტის მოსაყდრის, სენაკისა და ჩხორონწყუს მიტროპოლიტ შიოს (მუჯირი) ლოცვა-კურთხევით, 2021 წლის 6 დეკემბერს მენჯის მთავარანგელოზთა სახელობის დედათა მონასტერში არქიმანდრიტმა მელქისედეკმა (მიქავა) მონაზვნად აღკვეცა მორჩილი ზოია (შუმანია).



ვულოცავთ დედა ზოიას. დაე, უფალმა ღირსეულად ამსახუროს ქრისტეს ჭეშმარიტ გზაზე.